

ԳԼՈՒԽ ԻԱ.

1 Յաղագս թե ո՛րպէս ժողովեցան միաբանութեամբ Նախարարքն Յայոց, եւ չոգան ածին զթագաւորն Յունաց՝ իւրեանց ի թիկունս աւզնականութեան ի յերկիրն¹ Յայոց. եւ թե ո՛րպէս եկն թագաւորն Պարսից բազում զաւրաւք, եւ Ներսէս արքայն Պարսից միաձի ճողոպրեալ փախստական անկաներ յերկիրն Պարսից:

2 Ապա առաւել ժողովեցան ի մի ժողով միաբանութեանն մարդիկ աշխարհին Յայաստան երկրին. Նախարարք մեծամեծք. աւագք, կուսակալք, աշխարհակալք, ազատք, զաւրագլուխք, դատաւորք, պետք, իշխանք. բայց ի զաւրավարացն, այլ եւ ի շինականաց անգամ ռամիկ մարդկանն: 3 Ապա խաւսել սկսան այր ընդ ընգերի, եւ ասեն. 2ինչ է այս, որ ի սուգ մտեալ ենք. թշնամիք այսու զամագիւտ լինին. այլ քան սակաւ ժամանակք են, այսրէն արշաւեսցեն թշնամիքն: 4 Այլ եկա՛յք, ասեն, զանձինս անձամբք միսիթարեսցուք. անձանց եւ աշխարհի պահ կայցուք, եւ զՏեառն բնակի վրեժ խնդրեսցուք: 5 Ապա առ հասարակ ամենայն մարդիկ աշխարհին ի մի միաբանութիւն եւ ի մի խորհուրդս ժողովեցան վասն աւզնականութեան եւ ի թիկունս իւրեանց գտանելոյ:

6 Յայնմ ժամանակի առաքեցին ի մեծ Նախարարաց անտի աւագանին Յայոց հանդերձ պատարագաւք առ թագաւորն Յունաց, զի ի Նա ձեռս տուեալ՝ ծառայեսցեն Նմա հնազանդութեամբ, եւ լինիցի Նա Նոցա թիկունք աւզնականութեան՝ խնդրել վրեժս ի թշնամեաց Նոցա: 7 Ապա առաքեցին զԱնդովկ Նահապետն Սիւնեաց, եւ զԱրշաւիրն Կամսարական, Նահապետն Արշարունեաց, որք երթեալ հասեալ էին յաշխարհն Յունաց ի կայսերական պաղատն թագաւորացն. եւ տային զիրովարտակն, եւ ունէին զպատարագսն բերեալ առաջի, եւ մատուցանէին զաշխարհապաղատ պատգամսն առաջի թագաւորին: 8 Չոր իբրեւ լուաւ կայսրն զիրսն զայնոսիկ, մեծաւ փութով եւ բազում պատրաստութեամբ ի խնդիր ելաներ իրին հասելոյ. եւ աւզնական եւ թիկունք լիներ աշխարհն Յայոց: 9 Մանաւանդ զի զուխտն յիշեալ զդաշանցն կռելոց զերդմանցն հաստատութեան, միջնորդութեամբ ի մէջ կայսերն Կոստանդիանոսի եւ ի մէջ թագաւորին Տրդատայ եղեալ էր:

10 Արդ մինչ դեռ դեսպանքն երթեալք յերկրէն Յայոց ի կայսերական պաղատն՝ չեւ էին անդրէն յիւրեանց աշխարհն դարձեալ, ի կողմանց արեւելից խաղաց գնաց ինքն Ներսէս արքայն Պարսից, գալ առնուլ այրել եւ աւերել, կորուսանել եւ միահաղոյն իսկ յիւր վտարել զսահմանս Յայաստան երկրին: 11 Եւ առեալ զամենայն զաւրս իւր բնիւ աղխիւ եւ ամենայն մեծաւ կարաւանաւ, փղակոյտն բազմութեամբ հանդերձ, անթիւ վաճառաւք եւ բնիւն մաշ-

1 Ա. Ե. օր. երկրին